



Na osnovu člana 46. stav (5) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), člana 14. Zakona o poticaju razvoja male privrede Unsko-sanskog kantona („Službeni glasnik Unsko-sanskog kantona“, broj 5/26) i Programa poticaja razvoja male privrede za 2026. godinu, broj: 03-02-44-589/2026 od 6.5.2026. godine Ministarstvo privrede objavljuje:

## JAVNI POZIV

**za odabir korisnika sredstava po Programu poticaja razvoja male privrede za 2026 . godinu  
„Podrška subjektima male privrede za učenike na praktičnoj nastavi u školskoj 2025/2026  
godini “**

### I. PREDMET JAVNOG POZIVA

Predmet ovog Javnog poziva je prikupljanje prijava za odabir korisnika sredstava po Programu poticaja razvoja male privrede za 2026. godinu „Podrška subjektima male privrede za učenike na praktičnoj nastavi u školskoj 2025/2026 godini“, u svrhu finansijske podrške subjektima male privrede koji učestvuju u realizaciji praktične nastave učenika kod poslodavca u skladu s nastavnim planom i programom škole, te uslovima i namjenom utvrđenim ovim Javnim pozivom.

### II. PRAVO UČEŠĆA

Pravo učešća imaju subjekti male privrede sa sjedištem na području Kantona, koji su registrovani u skladu s važećim propisima, te se bave proizvodnom, obrtničkom ili uslužnom djelatnošću, kod kojih se praktična nastava za učenike srednjih strukovnih zanimanja realizovala u punom obimu, u skladu s nastavnim planom i programom škole za školsku 2025/2026 godinu.

### III. USLOVI ZA DODJELU SREDSTAVA

Pravo na dodjelu poticajnih sredstava ostvaruju subjekti male privrede koji ispunjavaju sljedeće uslove:

- a) da su registrovani, da imaju 100% učešće privatnog kapitala i da im je sjedište na području Kantona;
- b) da uredno izmiruju direktne poreze, i to: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale propisane naknade i takse (podnosioci prijava koji imaju zaključen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- c) da uredno izmiruju indirektne poreze i druge indirektne dadžbine, ukoliko su u sistemu poreza na dodatu vrijednost (PDV);
- d) da protiv njih nije pokrenut niti okončan postupak stečaja, likvidacije ili postupak gašenja, obustave ili ograničenja poslovne aktivnosti;
- e) da se protiv lica ovlaštenog za zastupanje ne vodi krivični postupak, niti je pravosnažno osuđeno za prekršaj i/ili krivično djelo organiziranog kriminala, korupcije, prevare ili pranja novca u skladu sa važećim propisima u Bosni i Hercegovini;
- f) da su opravdali sredstva dodijeljena po programima ovog Ministarstva, te izvršili obavezu utvrđenu članom 48. stav (8) ovog Programa;
- g) da se praktična nastava obavlja u punom obimu propisanom prema nastavnom planu i programu škole za strukovna usmjerenja srednjih stručnih škola.

#### **IV. SREDSTVA ZA IMPLEMENTACIJU**

Sredstva za implementaciju ove mjere obezbjeđena su u Budžetu Unsko-sanskog kantona za 2026. godinu, budžetski korisnik Ministarstvo privrede, na ekonomskom kodu 614500 FAP002 – „Subvencije preduzećima i poduzetnicima“ u ukupnom iznosu od **1.000.000,00 KM**.

Sredstva se dodjeljuju privrednom subjektu kao naknada za isplate učenicima za obavljanje praktične nastave i imaju karakter podrške obrazovanju, te se ne smatraju plaćom niti naknadom po osnovu radnog odnosa, te isplata mentoru za učešće u praktičnoj nastavi tokom školske 2025/2026 godine.

Iznos sredstava po učeniku utvrđuju se u fiksnom iznosu:

- a) I razred – 700.00 KM bruto po učeniku, za period trajanja praktične nastave;
- b) II razred – 900.00 KM bruto po učeniku, za period trajanja praktične nastave;
- c) III i IV razred – 1.200.00 KM bruto po učeniku, za period trajanja praktične nastave.

Naknada mentoru utvrđuje se prema broju učenika koje mentor prati tokom praktične nastave, i to:

- a) za 1 do 3 učenika – 100.00 KM bruto mjesečno;
- b) za 4 do 6 učenika – 150.00 KM bruto mjesečno;
- c) za 7 i više učenika – 200.00 KM bruto mjesečno.

Pravo na naknadu iz ovog stava ima isključivo mentor koji posjeduje uvjerenje o završenom osposobljavanju za mentora praktične nastave.

Za troškove materijala, alata i opreme, kao i druge troškove direktno vezane za realizaciju praktične nastave, subjektu male privrede može se dodijeliti iznos do 10.000.00 KM, **za troškove nastale u periodu od 1.9.2025. godine do dana objave ovog Javnog poziva.**

#### **V. NAMJENA UTROŠKA SREDSTAVA I ROK ZA IMPLEMENTACIJU**

Sredstva iz tačke IV. ovog Javnog poziva namijenjena su za:

- a) naknade za učenike koji učestvuju u praktičnoj nastavi (obuci);
- b) troškove rada mentora praktične nastave;
- c) troškove materijala, alata i opreme, te druge troškove direktno vezane za realizaciju praktične nastave, subjektu male privrede, pri čemu se isti odnose na **refundiranje prihvatljivih troškova** nastali u periodu od **1.9.2025. godine** do dana objave Javnog poziva.

Sredstva dodijeljena po ovoj mjeri subjektu male privrede mogu koristiti isključivo za realizaciju praktične nastave učenika i aktivnosti povezane sa stjecanjem stručnih i poduzetničkih kompetencija u okviru proizvodnih, obrtničkih, i uslužnih djelatnosti.

**Rok za implementaciju projekta je najduže 60 dana od dana doznačavanja sredstava.**

Svako korištenje odobrenih sredstava suprotno namjeni utvrđenoj ovom tačkom smatra se nenamjenskim utroškom i podliježe obavezi povrata cjelokupnog iznosa sredstava dodijeljenih od strane Ministarstva.

#### **VI. KRITERIJI ZA IZBOR KORISNIKA**

1. Broj zaposlenih;
2. Vrsta djelatnosti;
3. Broj učenika na praktičnoj nastavi;
4. Poslovanje subjekata male privrede u jedinicama lokalne samouprave.

#### **VII. PRIJAVA PO JAVNOM POZIVU**

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona ([www.vladausk.ba](http://www.vladausk.ba)). Potpisom i ovjerom Prijavnog obrasca, podnosilac prijave daje saglasnost da će, u slučaju odobravanja sredstava, zaključiti Ugovor o dodjeli sredstava pod uslovima utvrđenim ovim Programom.

Uz Prijavni obrazac potrebno je dostaviti sljedeću dokumentaciju:

- a) Original aktualnog izvoda iz sudskog registra ne starijeg od tri mjeseca od dana objave Javnog poziva ili ovjerena kopija istog – odnosi se na pravna lica;
- b) Rješenje o registraciji od nadležnog gradskog/općinskog organa (ovjera ne starija od tri mjeseca od dana objave Javnog poziva) – odnosi se na fizička lica;
- c) Ovjerena fotokopija Uvjerenja o poreznoj registraciji (ID broj) (ovjera ne starija od tri mjeseca od dana objave Javnog poziva);
- d) Ovjerena fotokopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD 2010 (Zavod za statistiku Federacije BiH) (ovjera ne starija od tri mjeseca od dana objave Javnog poziva);
- e) Original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksi (ne starija od tri mjeseca od dana objave Javnog poziva – osim onih koji posluju manje od mjesec dana);
- f) Original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je u sistemu PDV-a) (ne starija od tri mjeseca od dana objave Javnog poziva - osim onih koji posluju manje od mjesec dana) ili **Izjava podnosioca prijave** da isti nije u sistemu PDV-a, potpisana i ovjerena od strane podnosioca prijave – osim za one koji posluju manje od mjesec dana; Kao validno se priznaje i postojeće uvjerenje izdano za prethodnu proceduru ili Javni poziv (npr. tender), pod uvjetom da nije starije od tri mjeseca od dana objave Javnog poziva i da je izdano od nadležnog organa;
- g) Original ili ovjerena kopija potvrde izdane od strane suda da se ne vodi stečajni ili likvidacioni postupak (ne starija od tri mjeseca od dana objave Javnog poziva);
- h) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks II – koji je sastavni dio Programa**);
- i) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda banke);
- j) **Za refundiranje:**
  - Original ili ovjerena kopija računa uz obavezni fiskalni račun (ukoliko je izdavalac računa obveznik izdavanja fiskalnog računa), **koji nije stariji od 1.9.2025. godine do dana objave Javnog poziva**, kao dokaz o troškovima materijala, alata i opreme, kao i drugim troškovima direktno vezanima za realizaciju praktične nastave;
  - Izvod iz banke o izvršenom plaćanju;
  - **Pravdanje dijela sredstava koja se odnose na refundaciju troškova smatra se konačnim dostavljanjem dokumentacije tražene pri prijavi na Javni poziv za ovu kategoriju troškova i uključuje samo one troškove koji su kao takvi evidentirani u Ugovoru o dodjeli sredstava koji podnosilac prijave zaključuje s ovim Ministarstvom. Ovo Ministarstvo neće prihvatiti naknadne zahtjeve za refundaciju troškova.**
- k) Kopija Ugovora o saradnji između subjekta male privrede i škole;
- l) Kopija Ugovora o izvođenju praktične nastave između učenika i subjekta male privrede;
- m) Kopija Uvjerenja o završenom osposobljavanju za mentora praktične nastave;
- n) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave, dostupna na web stranici Vlade Kantona, (**Aneks III – koji je sastavni dio Programa**), dostavlja se samo od strane onih subjekata male privrede koji u okviru prijave dokumentuju troškove materijala, alata i opreme, kao i druge troškove koji su neposredno vezani za realizaciju praktične nastave.

Podnosilac prijave može podnijeti samo jednu prijavu za ovu mjeru, a isto tako ima pravo prijaviti se i na javne pozive „Jačanje konkurentnosti subjekata male privrede – pravnih lica“ i „Poticaj obrtima“.

### VIII. OBRADA PRIJAVA I IZBOR KORISNIKA

Za razmatranje prijava po Javnom pozivu za odabir korisnika sredstava po Programu poticaja razvoja male privrede za 2026. godinu za mjeru „Podrška subjektima male privrede za učenike na raktičnoj nastavi u školskoj 2025/2026 godini“ ministrica Ministarstva privrede Rješenjem imenuje Komisiju. Komisija ima zadatak, u skladu sa kriterijima i procedurama utvrđenim Programom, ovim Javnim pozivom i Pravilnikom o postupcima u provođenju Programa poticaja razvoja male privrede, broj: 06-02-6126-1/26 od 04.05.2026. godine, da :

- a) izvrši evaluaciju i bodovanje prijava;
- b) sačini Preliminarnu rang listu korisnika sredstava;
- c) sačini listu subjekata male privrede čije su prijave neblagovremene, nepotpune ili neosnovane te iste dostavi ministrici.

Po odobrenju ministrice, liste se objavljuju na web stranici Vlade Kantona: [www.vladausk.ba](http://www.vladausk.ba).

Na objavljene liste subjekti male privrede imaju pravo prigovora, koji se podnosi Ministarstvu u pisanoj formi, u roku od osam dana od dana objave lista na web stranici Vlade Kantona.

Nakon isteka roka za podnošenje prigovora i odlučivanja po prigovorima, ministrica donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, u roku od osam dana od dana isteka roka za podnošenje prigovora. Vlada Kantona daje saglasnost na Konačnu rang listu i ista se objavljuje na web stranici Vlade Kantona.

Po dobivanju saglasnosti od Vlade Kantona na Konačnu rang listu korisnika sredstava Ministarstvo sa korisnicima sredstava zaključuje Ugovore o dodjeli sredstava, nakon čega će se sredstva doznačiti na transakcijske račune korisnika.

### IX. NAČIN DOSTAVLJANJA PRIJAVA

Prijave sa potrebnom dokumentacijom dostavljaju se u zatvorenoj koverti, lično putem protokola Vlade Kantona ili preporučeno putem pošte, na adresu

**Ministarstvo privrede Unsko-sanskog kantona, Ul. Alije Đerzeleza br. 2, 77 000 Bihać,  
s naznakom**

***Prijava na Javni poziv za odabir korisnika sredstava po Programu poticaja razvoja male privrede za 2026. godinu „Podrška subjektima male privrede za izvođenje praktične nastave u školskoj 2025/2026 godini“  
„NE OTVARAJ“.***

Rok za podnošenje prijava je **30 dana** od dana posljednje objave Javnog poziva.

Neblagovremene prijave, dostavljene nakon isteka roka utvrđenog Javnim pozivom, neće se razmatrati i ne vraćaju se podnosiocima prijava.

### X. IZVJEŠTAJ O UTROŠKU SREDSTAVA

Korisnici sredstava su dužni pravdati utrošak dodijeljenih sredstava Ministarstva. Za sva neopravdana sredstva, Ministarstvo će pokrenuti proceduru povrata dodijeljenih sredstava Ministarstva.

Rok za dostavu Izvještaja o utrošku finansijskih sredstava je **15 dana od dana isteka roka za implementaciju projekta**. Pravljanje će se vršiti sa odgovarajućom dokumentacijom koja se dostavlja ovom Ministarstvu, i to:

- a) Izvještaj o utrošku finansijskih sredstava – popunjen, potpisan i ovjeren od strane korisnika sredstava (**Aneks IV – koji je sastavni dio Programa**);
- b) Izjava o namjenskom utrošku sredstava ovjerena kod nadležnog gradskog/općinskog organa ili notara, propisana i dostupna na web stranici Vlade **Kantona (Aneks V – koji je sastavni dio Programa)**;
- c) izjava poslodavca sa jasno definisanim iznosom naknade koju je poslodavac uplatito na transakcijski račun učenika, odnosno njegovog zakonskog zastupnika/staratelja (skrbnika);

- d) izvod iz banke o realiziranim nalogima za plaćanje, kao dokaz izvršenih uplata, iz kojeg je vidljivo da su sredstva isplaćena na transakcijski račun učenika, odnosno njegovog zakonskog zastupnika/staratelja (skrbnika), kao i mentora;
- e) obračun naknade i dokaz o uplati pripadajućih poreza i doprinosa;
- f) izvoda iz matične knjige rođenih, isključivo u slučaju kada su sredstva uplaćena na transakcijski račun zakonskog zastupnika/staratelja (skrbnika).

Ministarstvo zadržava pravo traženja dodatne dokumentacije i pojašnjenja u vezi sa provjerom namjenskog utroška sredstava, pismenim ili usmenim putem.

Ministarstvo vrši nadzor namjenskog trošenja odobrenih sredstava na osnovu dostavljenih Izvještaja, a po potrebi i neposrednim nadzorom kod korisnika sredstava, koristeći valjane izvore verifikacije navedene u Prijavnom obrascu.

**Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisanu proceduru za povrat dodijeljenih sredstava.**

## **XI. OSTALO**

Sredstva se dodjeljuju korisnicima u skladu sa Konačnom rang listom korisnika sredstava, do utroška sredstava predviđenih za implementaciju pojedinačne poticajne mjere.

Sredstva se dodjeljuju u obliku državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 300.000 EUR u tri uzastopne fiskalne godine, u skladu sa Zakonom o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbom o uslovima i postupku dodjele male vrijednosti – de minimis pomoć („Službene novine Federacije BiH“, broj: 22/25).

Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona, realizacija dodjele sredstava se obustavlja.

Ministarstvo ne snosi troškove nastale u vezi sa prijavom na Javni poziv.

**Korisnici sredstava koji po Programima poticaja razvoja male privrede imaju obavezu povrata sredstava, imaju pravo apliciranja na Javni poziv predviđen Programom, pod uslovom da izvrše svoju obavezu do dana zatvaranja ovog Javnog poziva.**

**Aneksi od rednog broja I do V čine sastavni dio ovog Javnog poziva, propisani su za predmetnu mjeru i dostupni su na web stranici Vlade Kantona: [www.vladausk.ba](http://www.vladausk.ba).**

**Uz ovaj Javni poziv objavljuje se Program poticaja razvoja male privrede za 2026. godinu, dostupan na web stranici Vlade Kantona: [www.vladausk.ba](http://www.vladausk.ba), te čini njegov sastavni dio, a ovim Javnim pozivom provodi se mjera „Podrška subjektima male privrede za učenike na praktičnoj nastavi u školskoj 2025/2026 godini“ iz navedenog Programa.**

Sve dodatne informacije vezane za Javni poziv mogu se dobiti putem telefona: 037/316-038 i 037/316-039 ili putem e – maila [privreda@vladausk.ba](mailto:privreda@vladausk.ba).

Broj: 06-11-5452-10/2026  
Bihać, 12.5.2026. godine



**MINISTRICA**  
**Samra Mehić, ser.**

